

Fylgiseðill: Upplýsingar fyrir notanda lyfsins

Euthyrox 25 míkróg töflur
Euthyrox 50 míkróg töflur
Euthyrox 100 míkróg töflur
Levótýroxínnatríum

Lesið allan fylgiseðilinn vandlega áður en byrjað er að nota lyfið. Í honum eru mikilvægar upplýsingar.

- Geymið fylgiseðilinn. Nauðsynlegt getur verið að lesa hann síðar.
- Leitið til læknisins eða lyfjafræðings ef þörf er á frekari upplýsingum.
- Þessu lyfi hefur verið ávísað til persónulegra nota. Ekki má gefa það öðrum. Það getur valdið þeim skaða, jafnvel þótt um sömu sjúkdómseinkenni sé að ræða.
- Látið lækninn eða lyfjafræðing vita um allar aukaverkanir. Þetta gildir einnig um aukaverkanir sem ekki er minnst á í þessum fylgiseðli. Sjá kafla 4.

Í fylgiseðlinum eru eftirfarandi kaflar:

1. Upplýsingar um Euthyrox og við hverju það er notað
2. Áður en byrjað er að nota Euthyrox
3. Hvernig nota á Euthyrox
4. Hugsanlegar aukaverkanir
5. Hvernig geyma á Euthyrox
6. Þakkingar og aðrar upplýsingar

1. Upplýsingar um Euthyrox og við hverju það er notað

Levótýroxín, virka efnið í Euthyrox, er sérframleitt skjaldkirtilshormón til að meðhöndla sjúkdóma og starfstruflanir í skjaldkirtli. Áhrif þess eru þau sömu og af náttúrulegum skjaldkirtilshormónum.

Euthyrox er notað

- til að meðhöndla góðkynja stækkun á skjaldkirtli hjá sjúklingum með eðlilega skjaldkirtilsstarfsemi,
- til að fyrirbyggja að skjaldkirtill stækki aftur eftir skurðaðgerð,
- til að koma í stað náttúrulegra skjaldkirtilshormóna, þegar skjaldkirtillinn framleiðir ekki nægilegt magn af þeim,
- til að bæla æxlisvöxt hjá sjúklingum með krabbamein í skjaldkirtli.

Euthyrox 25 míkróg, 50 míkróg og 100 míkróg töflur eru einnig notaðar til að koma blóðgildum skjaldkirtilshormóna í jafnvægi, þegar offramleiðsla hormóna er meðhöndluð með lyfjum við ofstarfsemi skjaldkirtils.

Euthyrox 100 míkróg má einnig nota við prófun á starfsemi skjaldkirtils.

2. Áður en byrjað er að nota Euthyrox

Ekki má taka Euthyrox

ef þú ert með eitthvað af eftirtöldu:

- ofnæmi fyrir virka efninu eða einhverju öðru innihaldsefni Euthyrox (talin upp í kafla 6),
- ómeðhöndlaða starfstruflun í nýrnahettum, heiladingli eða óhóflega framleiðslu á skjaldkirtilshormónum (skjaldvakaofseytingu),
- bráðan hjartasjúkdóm (hjartadrep eða hjartabólgu).

Ekki taka Euthyrox samhliða lyfjum gegn ofstarfsemi skjaldkirtils ef þú ert þunguð (sjá kafla um Meðgöngu og brjóstagjöf hér á eftir)

Varnaðarorð og varúðarreglur

Leitið ráða hjá læknum eða lyfjafræðingi áður en Euthyrox er notað ef þú ert með einhvern af eftirtöldum hjartasjúkdómum:

- ófullnægjandi blóðflæði í æðum hjartans (hjartaöng),
- hjartabilun,
- hraðan og óreglulegan hjartslátt,
- háan blóðþrýsting,
- fituútfellingar í slagæðum (æðakölkun).

Ná þarf stjórn á framantölu með viðeigandi meðferð **áður** en byrjað er að taka Euthyrox, eða prófun er gerð á skjaldkirtilshömlun. Gildi skjaldkirtilshormóna **verður** að mæla reglulega meðan verið er að taka Euthyrox. Ef þú ert ekki viss um hvort eitthvað af framantölu eigi við um þig, eða ef ekki er verið að veita þér meðferð, skaltu hafa samband við lækinn.

Læknirinn mun rannsaka hvort starfstruflun sé í nýrnahettum eða heiladingli, eða hvort starfstruflun sé í skjaldkirtli sem hefur í för með sér óbeislaða offramleiðslu á skjaldkirtilshormónum (skjaldkirtillætur ekki að stjórn), því að ná þarf stjórn á öllu framantölu með viðeigandi meðferð áður en byrjað er að taka Euthyrox, eða prófun er gerð á skjaldkirtilshömlun.

Regulega verður haft eftirlit með blóðþrýstingi þegar meðferð er hafin með levótýroxíni hjá fyrirburum með mjög litla fæðingarþyngd þar sem mjög skyndilegt blóðþrýstingsfall getur átt sér stað (sem nefnt er lost).

Ef nauðsynlegt er að skipta yfir í annað lyf sem inniheldur levótýroxín getur jafnvægi í starfsemi skjaldkirtils raskast. Ræðið við lækinn ef einhverjar spurningar vakna varðandi lyfjaskiptin. Nauðsynlegt er að fylgjast vandlega með meðan á skiptunum stendur (með klínísku og líffræðilegu eftirliti). Látið lækinn vita ef einhverjar aukaverkanir koma fram, þar sem þær geta bent til þess að nauðsynlegt sé að auka eða minnka skammta.

Ræddu við lækinn,

- ef þú ert á breytingaskeiði eða hefur gengið gegnum tíðahvörf; læknirinn kann að þurfa að fylgjast reglulega með starfsemi skjaldkirtils vegna hættu á beinþynningu.
- áður en þú byrjar eða hættir að taka orlistat, eða meðferð með orlistat er breytt (lyf við offitu, þú gætir þurft á nánara eftirliti eða skammtaaðlögun að halda)
- ef þú færð einkenni geðrofskvilla (þú gætir þurft á nánara eftirliti eða skammtaaðlögun að halda)

Ekki á að nota skjaldkirtilshormón til að draga úr líkamsþyngd. Inntaka skjaldkirtilshormóna mun ekki minnka þyngd þína ef gildi skjaldkirtilshormóna hjá þér er á eðlilegu bili. Alvarlegar og jafnvel lífshættulegar aukaverkanir geta komið fram ef þú eykur skammtinn án sérstakra ráðlegginga frá læknum. Ekki á að nota stóra skammta af skjaldkirtilshormónum samhliða lyfjum til að minnka líkamsþyngd s.s. amfepramoni, cathini og fenýlprópanólamíni vegna þess að hætta á alvarlegum og jafnvel lífshættulegum aukaverkunum getur aukist.

Ef þú ert að fara í rannsóknarstofupróf til að fylgjast með gildum skjaldkirtilshormóna, verður þú að láta lækinn og/eða starfsfólk rannsóknarstofunnar vita að þú sért að taka eða hafir nýlega tekið bíótín (einnig þekkt sem H-vítamín, B7-vítamín eða B8-vítamín). Bíótín getur haft áhrif á niðurstöður rannsóknarstofuprófa. Það fer eftir hvaða próf er notað sem bíótín getur leitt til þess að niðurstöðurnar verið ranglega háar eða ranglega lágar. Læknirinn gæti beðið þig um að hætta að taka bíótín áður en þú ferð í rannsóknarstofupróf. Þú ættir líka að vera meðvitað/meðvitaður um að önnurr lyf sem þú gætir hafa tekið, eins og fjölvítamín eða bætiefni fyrir hár, húð og neglur, gætu einnig innihaldið bíótín. Þetta gæti haft áhrif á niðurstöður rannsóknarstofuprófa. Láttu lækinn og/eða starfsfólk rannsóknarstofunnar vita ef þú tekur slík lyf (lestu líka upplýsingarnar í kaflanum Notkun annarra lyfja samhliða Euthyrox).

Notkun annarra lyfja samhliða Euthyrox

Láttu lækinn eða lyfjafræðing vita ef þú ert að taka, hefur nýlega tekið eða kynnir að taka eitthvert eftirtalinna lyfja, því að Euthyrox getur haft áhrif á verkun þeirra:

- Lyf við sykursýki (lyf sem lækka blóðsykur):
Euthyrox getur **minnkað** verkun lyfja við sykursýki þannig að vera kann að fylgjast þurfi oftari með blóðsykursgildum, einkum við upphaf meðferðar með Euthyrox.
Meðan þú tekur Euthyrox kann að vera nauðsynlegt að aðlaga skammtinn af lyfinu sem þú tekur við sykursýki.
- Kúmarínafleiður (lyf notuð til að koma í veg fyrir segamyndun):
Euthyrox getur **aukið** verkun slíkra lyfja, sem getur aukið hættu á blæðingum, einkum hjá öldruðum. Vera kann að fylgjast þurfi reglulega með blóðstorkugildum við upphaf meðferðar með Euthyrox og meðan á henni stendur. Meðan þú tekur Euthyrox kann að vera nauðsynlegt að aðlaga skammtinn af kúmarínlyfinu.

Gættu þess að halda þig við eftirfarandi bil milli lyfjatöku, ef þú þarft að taka eitthvert eftirtalinna lyfja:

- Lyf sem notuð eru til að binda gallasýrur og til að lækka of há kólesteról-gildi (s.s. kolestýramín eða kolestípól):
Gættu þess að taka Euthyrox 4 - 5 klst. **á undan** þessum lyfjum, því að þau kunna að hindra upptöku Euthyrox úr þörmum.
- Sýrubindandi lyf (til að draga úr meltingarþægindum af völdum síru), súkralfat (við sárum í maga eða þörmum), önnur lyf sem innihalda ál, lyf sem innihalda járn, lyf sem innihalda kalsíum:
Gættu þess að taka Euthyrox að minnsta kosti 2 klst. **á undan** þessum lyfjum, því að elli kunna þau að draga úr verkun Euthyrox.

Láttu lækinn eða lyfjafræðing vita ef þú ert að taka, hefur nýlega tekið eða kynnir að taka eitthvert eftirtalinna lyfja, því að þau geta **minnkað** verkun Euthyrox:

- própýltíóúrasíl (lyf við ofstarfsemi skjaldkirtils),
- sykurstera (ofnæmis- og bólgulyf),
- beta-blokka (lyf sem lækka blóðþrýsting og eru einnig notuð við hjartasjúkdómum),
- sertralín (þunglyndislyf),
- klórókín eða prógúaníl (lyf til forvarnar eða meðferðar við malaríu),
- lyf sem virkja tiltekin ensím í lifur, s.s. barbitúrsýrur (róandi lyf, svefnlyf), karbamazepín (flogaveikilyf, einnig notað við tilteknum tegundum verkja og til að ná stjórn á geðkvillum) eða vörur sem innihalda Jóhannesarjurt (jurtalyf),
- lyf sem innihalda östrógen og notuð eru sem hormónauppbótarmeðferð á breytingaskeiði og eftir tíðahvörf eða til að koma í veg fyrir þungun,
- sevelamer (fosfatbindandi lyf, notað til að meðhöndla sjúklinga með langvinna nýrnabilun),
- týrosín-kínasa hemlar (krabbameins- og bólgulyf),
- prótónpumpuhemlar (eins og ómeprazól, esomeprazól, pantoprazól, rabeprazól og lanzoprazól) eru notaðir til að draga úr magni síru sem maginn framleiðir, sem getur dregið úr frásogi levótýroxíns úr þörmum og þar með gert það minna áhrifaríkt. Ef þú tekur levótýroxín á meðan þú færð meðferð með prótónpumpuhemlum á lækningunni að fylgjast með starfsemi skjaldkirtils og gæti þurft að aðlaga skammtinn af Euthyrox.
- orlistat (lyf við offitu).

Láttu lækinn eða lyfjafræðing vita ef þú ert að taka, hefur nýlega tekið eða kynnir að taka eitthvert eftirtalinna lyfja, því að þau geta **aukið** verkun Euthyrox:

- salicýlöt (lyf notuð til að draga úr verkjum og lækka hita),
- díkúmaról (blóðþynningarlyf til að hindra segamyndun),
- fúrósemíð í stórum 250 mg skömmtum (þvagræsilyf),
- klófibrat (lyf sem lækkar blóðfitu).

Láttu lækinn eða lyfjafræðing vita ef þú ert að taka, hefur nýlega tekið eða kynnir að taka einhver eftirtalinna lyfja, þar sem þau geta haft áhrif á virkni Euthyrox:

- rítonavír, indínavír, lópínavír (próteasa hemlar, lyf við HIV sýkingu),
- fenýtóín (flogaveikilyf).

Þú gætir þurft að láta athuga gildi skjaldkirtilshormóna reglulega.

Hugsanlega þarf að aðlaga Euthyrox skammtinn.

Láttu lækinn vita ef þú ert að taka amíóðarón (lyf notað sem meðhöndlun við óreglulegum hjartslætti), því að það getur haft áhrif á starfsemi og virkni skjaldkirtils.

Ef þú þarft að gangast undir greiningarpróf eða myndgreiningu þar sem notuð eru skuggaefni sem innihalda jod, skaltu láta lækinn vita að þú sért að taka Euthyrox, því að stungulyfið sem þér er gefið gæti haft áhrif á starfsemi skjaldkirtils.

Ef þú tekur eða hefur nýlega tekið bíótín, verður þú að láta lækinn og/eða starfsfólk rannsóknarstofunnar vita áður en þú ferð í rannsóknarstofupróf til að fylgjast með magni skjaldkirtilshormóna. Bíótín getur haft áhrif á niðurstöður rannsóknarstofuprófa (sjá viðvaranir og varúðarráðstafanir).

Látið lækinn eða lyfjafræðing vita um önnur lyf sem eru notuð eða hafa nýlega verið notuð, einnig þau sem fengin eru án lyfseðils.

Notkun Euthyrox með mat eða drykk

Láttu lækinn vita ef þú borðar sojaafurðir, einkum ef þú breytir magninu sem þú borðar.

Sojaafurðir gætu minnkað upptöku Euthyrox úr þörmunum og því kann að vera nauðsynlegt að aðlaga skammtinn sem þú færð af Euthyrox.

Meðganga og brjóstgjöf

Ef þú ert þunguð skaltu halda áfram að taka Euthyrox. Ræddu við lækinn, því að vera kann að breyta þurfi skammtinum.

Ef þú hefur tekið Euthyrox samhliða lyfi við ofstarfsemi skjaldkirtils, til meðferðar við offramleiðslu skjaldkirtilshormóna, mun lækinn ráðleggja þér að hætta meðferð með Euthyrox þegar þú verður þunguð.

Ef þú ert með barn á brjósti skaltu halda áfram að taka Euthyrox samkvæmt ráðleggingum læknisins. Lyfjamagnið sem skilst út í brjóstamjólk er svo lítið að það hefur ekki áhrif á barnið.

Akstur og notkun véla

Engar rannsóknir hafa verið gerðar á hæfni til aksturs og stjórnunar véla.

Ekki er gert ráð fyrir því að Euthyrox hafi nein áhrif á hæfni til aksturs og stjórnunar véla, þar sem levótýroxínið er eins og náttúrulega skjaldkirtilshormónið.

Hver og einn verður að leggja mat á getu sína til aksturs og starfa sem krefjast óskertrar árvekni.

Eitt af því sem getur haft áhrif á slíkt er lyf, vegna verkunar sinnar eða aukaverkana.

Lýsing á verkun og aukaverkunum er í öðrum köflum fylgiseðilsins. Lesið því allan fylgiseðilinn.

Ef þörf er á skal ræða þetta við lækni eða lyfjafræðing.

Mikilvægar upplýsingar um tiltekin innihaldsefni Euthyrox

Lyfið inniheldur minna en 1 mmól (23 mg) af natríum í hverri töflu, þ.e.a.s. er sem næst natríumlaust.

3. Hvernig nota á Euthyrox

Notið Euthyrox alltaf eins og lækinn eða lyfjafræðingur hefur sagt til um. Ef ekki er ljóst hvernig nota á lyfið skal leita upplýsinga hjá læknum eða lyfjafræðingi.

Læknirinn ákveður skammtastærð fyrir þig sérstaklega, eftir skoðun og samkvæmt rannsóknarniðurstöðum. Algengast er að byrja á litlum skammti sem aukinn er á 2 – 4 vikna fresti, þar til skammtinum sem þú þarft á að halda er náð. Á fyrstu vikum meðferðar þarft þú að mæta í blóðprufur til að stilla skammtinn.

Ef barn þitt er með meðfædda vanstarfsemi skjaldkirtils gæti læknirinn ráðlagt stærri byrjunarskammta, þar sem mikilvægt er að bæta hratt úr þessu.

Ráðlagður upphafsskammtur er 10 til 15 míkróg á kg líkamspýngdar fyrstu 3 mánuðina.

Eftir það mun læknirinn aðlaga skammtinn eftir einstaklingum.

Venjulegir skammtar eru á því bili sem sést í töflunni hér á eftir. Minni einstaklingsbundinn skammtur gæti nægt,

- ef þú ert sjúklingur á efri árum,
- ef þú átt við hjartavandamál að stríða,
- ef þú átt við alvarlega eða langvarandi vanstarfsemi í skjaldkirtli að stríða,
- ef líkamspýngd þín er lítil eða skjaldkirtilsstækkun mikil.

<i>Notkun Euthyrox</i>	<i>Ráðlagður dagsskammtur af Euthyrox</i>	
- til meðhöndlunar við góðkynja stækkun á skjaldkirtli hjá sjúklingum með eðlilega skjaldkirtilsstarfsemi	75 – 200 míkróg	
- til að fyrirbyggja að skjaldkirtill stækki aftur eftir skurðaðgerð	75 – 200 míkróg	
- til að koma í stað náttúrulegra skjaldkirtilshormóna, þegar skjaldkirtillinn framleiðir ekki nægilegt magn af þeim	fullorðnir	börn
- upphafsskammtur	25 – 50 míkróg	12,5 – 50 míkróg
- viðhaldsskammtur	100 - 200 míkróg	100 – 150 míkróg á m ² af líkamsyfirborði
- til að bæla æxlisvöxt hjá sjúklingum með krabbamein í skjaldkirtli	150 – 300 míkróg	
- til að koma blóðgildum skjaldkirtilshormóna í jafnvægi, þegar offramleiðsla hormóna er meðhöndluð með lyfjum við ofstarfsemi skjaldkirtils	50 – 100 míkróg	
- til að prófa virkni skjaldkirtils	100 míkróg: 200 míkróg (2 töflur) frá því 2 vikum áður en prófið fer fram	

Lyfjagjöf

Euthyrox er ætlað til inntöku. Takið stakan dagsskammt á fastandi maga á morgnana (að minnsta kosti hálfri klukkustund fyrir morgunverð), helst með svolitlum vökva, t.d. hálfu glasi af vatni.

Kornabörn mega fá allan dagsskammtinn af Euthyrox að minnsta kosti hálfri klukkustund fyrir fyrstu máltíð dagsins. Mylja skal töfluna og blanda henni út í dálítið vatn og gefa barninu strax ásamt svolitlum viðbótarvökva. Búa skal til ferska mixtúru í hvert skipti.

Lengd meðferðar

Lengd meðferðar getur verið mismunandi eftir því við hvaða sjúkdómi Euthyrox er notað.

Læknirinn mun því ræða við þig um hversu lengi þú þurfir að taka lyfið. Flestir sjúklingar þurfa að taka Euthyrox alla ævi.

Ef tekinn er stærri skammtur en mælt er fyrir um

Ef þú hefur tekið stærri skammt en ávísað var, gæti orðið vart einkenna á borð við hraðan hjartslátt, kvíða, órósemi eða ósjálfráðar hreyfingar. Hjá sjúklingum með sjúkdóma frá taugakerfi svo sem flogaveiki, geta flog átt sér stað í einangruðum tilvikum. Einkenni bráðageðrofs geta komið fram hjá sjúklingum í hættu á geðrofskvillum. Ef eitthvað af þessu gerist skaltu hafa samband við lækinn. Ef of stór skammtur af lyfinu hefur verið notaður, eða ef barn hefur í ógáti tekið inn lyfið skal hafa samband við lækni, sjúkrahús eða eitrunarmiðstöð (sími 543 2222).

Ef gleymist að taka Euthyrox

Ekki á að tvöfalda skammt til að bæta upp töflu sem gleymst hefur að taka, taktu venjulegan skammt næsta dag.

Leitið til læknisins eða lyfjafræðings ef þörf er á frekari upplýsingum um notkun Euthyrox.

4. Hugsanlegar aukaverkanir

Eins og við á um öll lyf getur Euthyrox valdið aukaverkunum en það gerist þó ekki hjá öllum.

Þú gætir fundið fyrir einni eða fleiri af eftirfarandi aukaverkunum ef þú tekur meira af Euthyrox en ávísað var, eða ef þú þolir ekki skammtinn sem ávísað var (t.d. þegar skammturinn er stækkaður hratt):

Óreglulegur eða hraður hjartsláttur, brjóstverkur, höfuðverkur, vöðvaslappleiki eða krampar, andlitsroði (hiti og roði í andliti), hiti, uppköst, tíðatruflanir, falskt heilaæxli (aukinn þrýstingur í höfði), skjálfti, eirðarleysi, svefntruflanir, aukin svitamyndun, þyngdartap, niðurgangur.

Hafðu samband við lækinn ef vart verður við einhverja þessara aukaverkana. Læknirinn gæti ákveðið að rjúfa meðferðina í nokkra daga, eða minnka dagskammtinn, þar til aukaverkanirnar eru horfnar.

Ofnæmisviðbrögð geta hugsanlega komið fram við einhverju innihaldsefnanna í Euthyrox (sjá kafla 6. „Euthyrox inniheldur“). Meðal þeirra geta verið útbrot, ofsakláði eða bólga í andliti eða hálsi (ofnæmisbjúgur).

Ef það gerist skaltu samstundis hafa samband við lækinn.

Tilkynning aukaverkana

Látið lækinn eða lyfjafræðing vita um allar aukaverkanir. Þetta gildir einnig um aukaverkanir sem ekki er minnst á í þessum fylgiseðli. Einnig er hægt að tilkynna aukaverkanir beint til Lyfjastofnunar, www.lyfjastofnun.is. Með því að tilkynna aukaverkanir er hægt að hjálpa til við að auka upplýsingar um öryggi lyfsins.

5. Hvernig geyma á Euthyrox

Geymið lyfið þar sem börn hvorki ná til né sjá.

Ekki skal nota Euthyrox eftir fyrningardagsetningu sem tilgreind er á þynnunni eða öskjunni á eftir FYRNIST. Fyrningardagsetning er síðasti dagur mánaðarins sem þar kemur fram.

Geymið við lægri hita en 25°C. Geymið þynnurnar í öskjunni, til varnar gegn ljósi.

Ekki má fleygja lyfjum í skólplagnir eða heimilissorp. Leitið ráða hjá lyfjafræðingi um hvernig heppilegast er að losna við lyf sem ekki þarf að nota lengur. Þetta er gert til þess að vernda umhverfið.

6. Pakkningar og aðrar upplýsingar

Euthyrox inniheldur

- Virka innihaldsefnið er levótýroxín. Hver tafla inniheldur 25, 50 eða 100 míkrogrömm af levótýroxínnatríum.
- Önnur innihaldsefni eru maíssterkja, sítrónusýra, kroskarmellosnatríum, gelatín, magnesíumsterat og mannítól (E421).

Lýsing á útliti Euthyrox og pakkningastærðir

Euthyrox 25, 50 og 100 míkrogramma töflur eru hvítar, kringlóttar, flatar beggja vegna, með skákanti, deiliskoru og áletrun EM25, EM50 og EM100 á annarri hliðinni:

Euthyrox fæst í pakkningum með 20, 25, 30, 50, 60, 90, 100 eða 500 töflum eða í dagatalspakkningum með 28 eða 84 töflum.

Ekki er víst að allar pakkningastærðir séu markaðssettar.

Markaðsleyfishafi og framleiðandi

Markaðsleyfishafi

Merck AB
Box 3033
169 03 Solna
Svíþjóð

Framleiðandi

Merck Healthcare KGaA
Frankfurter Strasse 250
64293 Darmstadt
Þýskaland

FAMAR HEALTH CARE SERVICES MADRID, S.A.U.
Avda. Leganés, 62
Alcorcón, 28923 Madrid
Spánn

Umboð á Íslandi

Icepharma hf.
Lyngháls 13
110 Reykjavík

Þetta lyf hefur markaðsleyfi í löndum Evrópska efnahagssvæðisins undir eftirfarandi heitum:

Austurríki: Euthyrox

Danmörk: Euthyrox

Þýskaland: Euthyrox

Grikkland: Euthyrox

Ísland: Euthyrox

Króatía: Euthyrox

Noregur: Euthyrox

Portúgal: Eutirox

Spánn: Eutirox

Svíþjóð: Euthyrox

Þessi fylgiseðill var síðast uppfærður í apríl 2024.